

FRAGMENTA
DYNAMICES
HIPPOCRATICO-GALENICAE,
SPARSIS MONUMENTIS MEMORIAE
PRODITA.

H A E C

DEO CLEMENTER IUVANTE,
RECTORE VNIVERSITATIS MAGNIFICENTISSIMO,
SERENISSIMO PRINCIPE AC DOMINO,

D O M I N O

IO. CAROL. LUDOVICO,

COMITE PALATINO RHENI, DVCE BAVARIAE,
rel. rel.

P R A E S I D E

GEORGIO FRID. SIGWART,

PHIL. MED. ET CHIR. D. HVIVSQUE ET ANAT. P. P. O.
MEDIC. AVLIC. WIRTEMB. FAC. MED. SEN.
ET p. t. DECANO,

P R O


GRADU DOCTORIS IN MEDICINA

A. D. Nov. 1759.

PVBlice DEFENDET

WILHELMVS FRIDERICVS IÆGER,

KIRCHO - TECCENSIS.



TVBINGÆ, LITTERIS SCHRAMMIANIS.

INCLITAE
CIVITATIS KIRCHO - TECCENSIS
PRO CERIBUS,

V I R O

PRÆNOBILISSIMO, CONSULTISSIMO ET PRÆSTRENUO,

D O M I N O

O. CHRISTIANO COMMERELL,

SERENISSIMI DUCIS CONSILIARIO, ET PRÆFECTO
SUPERIORI,

V I R O

SUMME VENERANDO ET DIGNISSIMO,

D O M I N O

GEORGIO MICHAELI SEEGER,

ECCLESIAE PASTORI, ET VICINARUM
SUPERATTENDENTI,

NEC NON

V I R I S

PRUDENTISSIMIS ET GRAVISSIMIS,

DOMINIS CONSULIBUS

ET

DOMINO POLIGRAPHO,

CETERISQUE

ORDINIS SENATORII ADSESSORIBUS

SPECTATISSIMIS,

PATRONIS ET FAUTORIBUS SUIS ÆTERNUM

PIE COLENDIS,

ASCE STUDIORUM SUORUM PRIMITIAS IN PUBLICUM

GRATI ANIMI PRO IMMORTALIBUS IN SE COLLATIS BENEFICIIS,

ET IN ULTERIOREM SUI COMMENDATIONEM

D. D. D.

TANTORUM NOMINUM

Cultor obsequiosissimus,

W. F. IÆGER, *Resp.*

INSTITUT
CIVITATIS MIRANO - THEODORIS
PROCESSIONIS

VIRGO
INSTITUTUM CIVITATIS MIRANO - THEODORIS
PROCESSIONIS
CHRISTIANO COMMERCIO
RENNISSIMI HUIUS CIVITATIS ET PRINCIPIS

VIRGO
INSTITUTUM CIVITATIS MIRANO - THEODORIS
PROCESSIONIS
ORIGIO MICHAELIS SHEER
RENNISSIMI HUIUS CIVITATIS ET PRINCIPIS

VIRGO
INSTITUTUM CIVITATIS MIRANO - THEODORIS
PROCESSIONIS
DOMINUS CHRISTI
RENNISSIMI HUIUS CIVITATIS ET PRINCIPIS

VIRGO
INSTITUTUM CIVITATIS MIRANO - THEODORIS
PROCESSIONIS
DOMINUS CHRISTI
RENNISSIMI HUIUS CIVITATIS ET PRINCIPIS

VIRGO
INSTITUTUM CIVITATIS MIRANO - THEODORIS
PROCESSIONIS
DOMINUS CHRISTI
RENNISSIMI HUIUS CIVITATIS ET PRINCIPIS

VIRGO
INSTITUTUM CIVITATIS MIRANO - THEODORIS
PROCESSIONIS
DOMINUS CHRISTI
RENNISSIMI HUIUS CIVITATIS ET PRINCIPIS



FRAGMENTA MEDICINAE DYNAMI- MICAЕ, AD IPSIUS PRAECOGNOS- CEN- DA SPECTANTIA.



I.

*t recte aestimare discamus humanas vires, commo-
dissimum erit, a nobis ipsis inchoare: tum demum
alios mensurare licet, sed sine invidia, sine adula-
tione, nec, utroque etiam vitato vitio; umquam,
si nemo nos Dynametram constituit. Ita vero, Geometrarum
practicorum more, mensuramus arua, non conculcamus. GOTTL.
FRID. HAGEN *Diss. mathem. de mensurandis viribus propriis &
alienis.* Gissae. 1733. §. 8, 23, 25.*

II.

Sed haec tam *artis cogitandi*, quam *morum magistris ma-
thematicis* relinquenda sunt. Conf. Cel. GODOFR. PLOUCQUET
fund. philos. specul. §. 590-598.

III.

Nostri fori est mensurare *morbose adfectas vires*, maxime
humanas, psychicas organicasque.

III.

Verum , vt *uniuersa dynamice* , ita *medica* pariter , vt pars *medicinae* , rectius *medicina dynamica* , quam *dynamice medica* , dicenda , vltra GEOMETRARUM limites sese extendit. *Mathematica* , inquam , non solum est , sed & *philosophica* , circa *qualitates virium naturales & praeternaturales* occupata.

V.

Medici hinc , qui *Physici* vulgo dicuntur κατ' ἐξοχήν , non sui nominis sunt , & praeter meritum ita adpellantur , quotquot hospites sunt in ista , quum ab ea ipsa proprie nominentur *Physici* , seu *naturae* , adeoque *virium* interpretes.

VI.

Recte igitur ROLFINGIUS *L. 1. Cons. XXI. p. 303. vires* , inquit , *omni BONO MEDICO cum primis attendendae sunt.*

VII.

Cui effato illud responderet , quod THEOPHILUS BONTUS *Thes. med. pract. T. 1. L. 1. Tit. 1. C. 1. §. 28. p. m. 142.* protulit : *Vires Medicum altero oculo semper intueri oportet.*

VIII.

Idem suadent monita etiam HIPPOCRATICO - GALENICA. HIPPOCRATES τὸ θεῖον adeo connectit cum *medico-dynamico* de *viribus* argumento , & vtrumque nobis ediscendum esse , vno edicto contendit , dicens : Γνόντα οὖν χρὴ τῶν παθόντων τῶν τοιαύτων τὰς φύσεις , ὅσόνον ὑπὲρ τὴν δυνάμιν εἰσι τῶν σωμάτων , ἀμα δὲ καὶ , εἰ τι θεῖον ἔνεστιν ἐν τῇσι νόσοις , καὶ τοῦτο τὴν πρόνοιαν ἐκμανθάνειν. "Οὕτω γὰρ ἂν θαυμάζοιτό τε δίκαιώς , καὶ Ἰατρὸς ἀγαθὸς ἂν εἴη. Proinde , *ubi talium adfectionum NATURAM , quantum scilicet VIRES corporis superant , cognouerit , simulque ὧ , si quid DIUINI in morbis inest , huius quoque prouidentiam ediscere oportet. Hac enim ratione merito sibi admirationem, ὧ BONI MEDICI (n. VI.) existimationem conciliauerit.* S. II. Praenot. 17-20. p. 36. edit. ANUT. FOES.

VIII.

VIII.

Germanus mentis HIPPOCRATICAE interpres, GALENUS, de locis Lib. III. hisce concinit : Ἡ μέγεθος νοσήματος, ἢ ΡΩΜΗΝ ΔΥΝΑΜΕΩΣ ἀσκήν διαγινώσκειν, ἢ τὴν μέλλουσαν ἀκμὴν προγινώσκειν. Καὶ μὲν ἀνευ τῆς τῶν τριῶν τέτων ἀκριβὲς διαγνώσεως ἔκ ἐνδέχεται περὶ σωτηρίας ἔδεν δυνατόν ἐξευρεῖν, ἔ μᾶλλον ἢ, εἰ Φορτίον τις ἱκανὸς κομίζειν ἔσοιτο χωρὶς τῆ καὶ τὴν ῥώμην εἰδέναι τῆ ἀνθρώπου, καὶ τὸ μέγεθος τῆ Φορτίου, καὶ τὸ μήκος τῆς ὁδῆ. Et magnitudinem morbi, ἔ ROBUR VIRTUTIS adfuescendum est discere, ἔ id, quod in morbo summum erit, pernoscere. Et quidem sine horum trium exquisita cognitione non sperandum, circa salutem aliquid posse inueniri, non plus fuerit (scire) utrum aliquis onus aptus sit ferre, nisi ἔ robur hominis, ἔ oneris magnitudinem, ἔ durationem viae.

X.

Quin eadem inculcant, quotquot in horum DUUMVI-
RORUM scriptis occurrunt de vi (δυνάμει) & natura (Φύσει)
edicta, in iatrodynamice, theoretica aequae, ac practica, ma-
ximi momenti, infraque ex parte excitanda.

XI.

Quidni igitur, ut cum Cel. GAUBIO Inst. path. med. §.
188. loquar, praeceuntem sequamur HIPPOCRATEM, qui prae-
ter continentia ἔ contenta, etiam τὰ ὀργμῶντα in homine con-
templari cum ratione iussit?

XII.

Hinc IOH. FERNELIUS in therap. uniuers. L. I. C. I. p. m.
329. Medicus, inquit, remedia confert, non solum, ut natu-
rae minister, sed interdum ut adiutor, interdum etiam, ut opi-
fex primarius Quorsum, quaeso, constituta haec (medi-
cinam vult dynamicam) esset tot tantisque maiorum vigiliis,
nisi maius quiddam ἔ excellentius, quam natura, praestaret? . . .
Quum igitur omnium, quae mundus habet, MEDICINA PERSPE-
CTAS VIRES teneat, internoscatque salutaria a pestiferis, haec qui-

dem longe praevidet & declinat, illa consecratur & inquirat, & ita tempestive adhibet, ut suis viribus exitiales alioqui morbos leniat, faciatque salutare, quos sola natura nunquam euecit.

XIII.

Ecquis autem mortalium arcana virium cognoverit? Vires aestimare, hoc opus, hic labor est. Est, fateor, res indagatu difficilis. Vnde ILL. LEIBNITIUS, aduersus Cel. STURMIUM disputans, recte monet, vim ex earum rerum numero esse, quae non imaginatione, sed intellectu attingantur. A. E. L. 1698. Mens. Oct. p. 431. At tamen, debita si adhibeatur attentio, ex effectibus suis aestimari possunt. Ab effectu ad causam proxima patet cognitionis via.

XIII.

Quemadmodum nempe ex qualitate effectuum iudicatur qualitas virium: ita ex illorum quantitate mensuratur harum quantitas. Vid. laudata n. II. fund. phil. spec. §. 490-492. Sed cautione opus est. L. c. §. 493.

XV.

Modo citatus n. XII. classicus inter Medicos auctor, IOH. FERNELIUS in physiol. Lib. III. Cap. II. p. m. 57. idem perspexit: Virium, inquiens, robur aestimandum est. Id autem quum animo & cogitatione complecti difficile atque arduum videretur, Medici iuxta, ac Philosophi, sensibus, tamquam incorruptis & integris iudiciis, confirmandum duxerunt, omnium vires ex efficientia & operibus tantum conuenienter aestimantes.

XVI.

Subeunt heic animum Thesium inauguralium metaphysicarum non nullae, quas proxime inter nos strenue defenderunt Magisterii philosophici CANDIDATI, quaeque in Medicina quoque dynamica multifariam adplicari possunt, hisce ipsius fragmentis addendae. Hae autem illae:

XVII.

XVII.

Possibilitas corporis per vires finitas indestructibilis demonstrari potest. L. c. §. 7. Addo : Arte nostra ; vti quidem ALCHYMICORUM fert sententia , in *actum* deduci non potest.

XVIII.

Vis attractiua non inest materiae. L. c. §. 11. Quaecumque igitur in *Medicina* nostra *dynamica* de illa dicuntur , infirmo stant talo.

XVIII.

Actio non infert passionem , sed passio actionem. L. c. §. 27. Multo magis absolum est , *actiones* & *passiones* plane confundi non numquam in foro medico , hasque haberi pro illis , vt in illa de *musculari motu* naturali ac morbofo doctrina.

XX.

Vires substantiarum , tam simplicium , quam compositarum , sunt proportionales suis effectibus. L. c. §. 21. Ab horum itaque quantitate ad illarum quantitatem naturalem & morbosam iusta semper procedit & proxima consequentia.

XXI.

Vis corporis dupla producit effectum duplum : e quo vero neutiquam inferre licet , celeritatem duplam producere effectum duplum in communicatione motus. L. c. §. 22. En *thesin* , *dynametris* quoque *Medicis* perquam vtilem , si dextram quidem illius fecerint adplicationem !

XXII.

Ad congerenda propiora , inque subselliis nostris maxime euulgata reuertor *MEDICINAE DYNAMICAE FRAGMENTA* , eademque quidem 1) *pathologica* , nominatim a) *nosologica* , b) *aetiologica* , c) *symptomatologica* , d) *semiologica* : 2) ad
materiam

materiam medicam spectantia : 3) therapeutica , latius dicta.
 Praecurrunt itaque

FRAGMENTA MEDICINAE DYNAMICAE
 PATHOLOGICA,

nominatim

NO SOLOGICA.

XXIII.

ΔΥΝΑΜΙΣ HIPPOCRATI *Lib. de ant. Med.* dicitur πῶν
 χυμῶν ἀκρότης καὶ ἰχὺς , *humorum perfectio , ad summum pro-*
gressa , & hominis robur : GALENO lib. de plenit. Αἰτία ἢ οὐσία
δρασικὴ , quaevis causa aut substantia efficax , respectu ad homi-
nem , eiusque facultates.

XXIII.

ΔΥΝΑΜΕΙ opponitur ἈΔΥΝΑΜΙΑ ut: ἐκ κενεαγγείας, *ab in-*
anitione , παρὰ λόγον κενεαγγικὸν ἀδυναμία , subitaneus virium
lapsus sine vlla iactura : vnde dicuntur παραλόγως ἈΔΥΝΑ-
ΤΟΥΝΤΕΣ , κενεαγγείας μὴ ἐξσης , viribus prostrati citra ratio-
nem , nulla praesente inanitione. HIPPOCRATES *Coac. praenot. &*
prorrhet.

XXV.

ΑΔΥΝΑΜΙΑΣ species est ΔΥΝΑΜΙΣ ΑΣΘΕΝΗΣ , de qua
 GALENI *effatum aetiologicum* ita habet: Ἡ ΔΥΝΑΜΙΣ ἈΣΘΕ-
 ΝΗΣ γίγνεται ἐνίοτε , καὶ διὰ καχεξίαν τῆς κάμνοντος , καὶ διὰ
 γῆρας. *Vis vitae imbecillis fit interdum , & propter viscosos la-*
borantis humores , & propter senium. Meth. medend. L. X.

XXVI.

De eadem IDEM ita : Καταλειπόμενον τῆς ΔΥΝΑΜΕΩΣ
 μικρὸν καὶ ἀμυδρὸν μὴ ὅσον ἀνταρκὲς εἰς τὴν ὠφέλειαν τῆς πε-
 πονθότος. *Residuum virtutis parvum & obscurum , non sufficiens*
ad auxilium patientis. Therap. ad Glauc. II.

XXVII.

XXVII.

Hinc letales morbi dicuntur τὰ πάθεα ὑπὲρ τὴν ΔΥΝΑΜΙΝ τοῦ σώματος, *adfectus, qui vires corporis superant*; HIPPOCRATI Progn.

XXVIII.

Et mori, si GALENUM audias, est vim vitae morbo debiliorem habere. Ἀποθανεῖν ἀναγκαῖον, ὅταν ἡ ΔΥΝΑΜΙΣ ὑπὸ τοῦ νοσήματος ἡττηθῇ, *mori necesse est, si vis a morbo superata fuerit*. L. 3. de cris.

XXVIII.

ἈΣΘΕΝΕΙΑ denotat leuiorem virium defectum. Ita accipit HIPPOCRATES de vet. Med. Ἐγγύτατα τῷ ἀσθενέοντός ἐστι ὁ ἀσθενής, *proxime ad aegrotum accedit infirmus*.

XXX.

Differt ab ea APPΩΣΤΙΑ ἢ APPΩΣΤΗΜΑ. Sic enim GALENUS in def. med. APPΩΣΤΗΜΑ ἐστὶ νόσημα ἀσθενές ἐλαττεῖν τὴν ΔΥΝΑΜΙΝ, *est debilis morbus, de viribus aliquid detrahens*.

XXXI.

Differt autem ita, vt maiorem virium defectum designet, exponentē GALENO l. c. Ἀρρώστημά ἐστὶ νόσημα ἐγκρατισμένον μετ' ἀσθενείας πλείονος.

XXXII.

Differt ἀποψυχὴν ἢ λειποψυχὴν, *animi deliquium*, vti species a genere.

XXXIII.

Quemadmodum termini VIS & NATURA parum differunt, & haec illam, quatenus certo cuidam inest subiecto, proprie designat: ita a recentioribus aequae, ac veteribus, saepius synonymice vsurpantur. Hinc GALENUS Meth. med. Lib. III. scite dicit: Ἀλλ' ἔχ' ἀπλῶς εἰπεῖν χρὴ ΦΥΣΙΝ, ἀλλὰ προσθεῖναι τὴν τίνων, ἢ πῶς. *Non simpliciter nominanda natura, sed addendum est, cuius ea sit, & ubi*.

XXXIII.

Non minus liquidum est EJUSDEM Comm. 5. in L. 6. Epid. enuntiatur: ΔΥΝΑΜΙΝ δὲ προσήκει νῦν ἀκρίβειν ἐκ τῶς τῆς ΦΥΣΕ-

ΩΣ ὀνόματι ἐνέσαν αὐτοῖς τῆς σώμασι, τοῖς διοικημένοις ὑπ' αὐτῆς. Naturae autem nomine vim intelligi nunc oportet, quae corporibus ipsis inest.

XXXV.

Ipfas vires & naturas variis modis, & insigniter quidem adfici, docet HIPPOCRATES *de rat. vict. in morb. acut.* quando mentionem facit mutationum, quae ipsi audiunt αἱ μέγιστα μεταβολαὶ τῶν περὶ τὰς ΦΥΣΙΑΣ ἡμῶν καὶ τὰς ἐξίας συμβαινόντων.

XXXVI.

Ab EODEM *lib. de alim.* ob suam in agendo spontaneitatem & autocratiam vires vocantur αἱ φύσις πάντων ἀδίδακτοι.

XXXVII.

Quam in rem GALENUS *de sympt. caus. Lib. I.* ita differt: Ἡ ΦΥΣΙΣ λόγος πάσης ΔΥΝΑΜΕΩΣ, τῆς διοικήσεως τὸ ζῶον, ἢτε κατὰ τὴν ἡμετέραν προαίρεσιν, ἢτε καὶ χωρὶς ταύτης ἀντιδιαίρεμεν ἀπάσῃ τῇ παρὰ ΦΥΣΙΝ αἰτία, δι' ἣν βλάπτεται καὶ διαφθείρεται τὸ ζῶον. *Natura ratiocinium est totius virtutis illius, quae animal regit, siue e nostra conscientia, siue sine illa, oblectamur omni praeter naturam causae, per quam laeditur, aut corrumpitur animal.*

XXXVIII.

Vnde IDEM *meth. meth. Lib. III.* Ὅιον δημιουργός τε καὶ τεχνίτης ἡ ΦΥΣΙΣ, *instar opificis & artificis natura est.*

XXXVIII.

Nam EODEM teste *de dieb. crit. L. II.* τεταγμένον τι χρεῖμα ἐστὶν ἡ ΦΥΣΙΣ, καὶ πειδὰν κρατῇ τῆς ὕλης, ἀναλογίαις τισὶν ὠρισμέναις καὶ περιόδοις τεταγμέναις αἱ κινήσεις αὐτῆς γίνονται. *Ordinatum quoddam negotium est natura, & postquam superauerit materiam (morbificam) determinata paritate, & certis circuitibus, motus eius fiunt.*

XXXX.

Quemadmodum vero Nosologia nomen habet ἀπὸ τῆς νόσου: ita νόσος, morbus, sine naturae notione intelligi nequit.

Hinc

Hinc AUCTOR *Defin.* νόσον ita explicat : Νόσος ἐστὶ δυσκρασία τῶν πρώτων κατὰ ΦΥΣΙΝ , ἢ δυσκρασία τῶν ἐν ἡμῖν χυμῶν , ἢ τῶν ΦΥΣΙΚΩΝ δυνάμεων παραποδισμός , ἢ τροπὴ σώματος ἐκ τῆς κατὰ ΦΥΣΙΝ εἰς τὸ παρὰ ΦΥΣΙΝ. Tantaе amplitudinis est *Nosologia dynamica* !

XXXXI.

Stantis, sedentis & iacentis naturae conceptus cum auctore suo HELMONTIO sepulti iacent. Nec ad *Dynamicen* nostram *nosologicam* propius spectant tot de *viribus & natura* alibi commotae controuersiae.

XXXXII.

In veritatem *Medicinae dynamicae* quam consentiant cum vetustissimis recentissimi , multis comprobare liceret, si quidem id iam ageremus. Sufficiat hoc vnicum : Recentissimus scriptor pathologus, Cel. GAUBIUS in *Instit. pathol. medicin.* §. 9. ipsam adeo *medicinam* definit per *scientiam ac prudentem directionem* virium *naturae humanae ad vitae & sanitatis a morbis & morte tutelam.* Debet adeo, (Medicus nempe) pergit §. XII. exponere I. *conditionum hominis naturam, causas, sedes, differentes modos, gradus, effectus.* II. *Vires naturae humanae, utrique principio inditas, conseruatrices, destruetrices, medicatrices.* III. *Potestates rerum externarum salubres, noxias, medicatas.* IIII. *Regulas denique & praecepta his vtendi, illas dirigendi.*

XXXXIII.

Laudatus AUCTOR quidem *virium morbos*, adeoque veritatem *pathologiae dynamicae*, negare videretur, quando l. c. §. LI. ita differit : *Naturae certamen ideam aduersarii includit: hic morbus est: huic suos Natura opponit conatus medicatos, quibus si nomen morbi dedevis, an morbum abesse dices, quum languens forte Natura huic non obluetur? An, quos Naturam imitans Medici sollertia similes per remedia producit motus, pariter ad morbum ipsum referes? Verum, nisi adfirmando ad utrumque dubium sibi responderet, aut responderi vellet, sibi sane contradiceret ipsi.* Id vitii sibi imputari recusat ipse, mox addens : *Largimur tamen, morbos dari, quorum bonam*

partem, si uniuersum decursum species, ista molimina constituunt. Concinit cit. §. introitus, ita habens: *An igitur morbus recte dicitur certamen Naturae, propriam salutem propugnantis? Ex intimis medicinae penetralibus petita haec notio sapienti cuius in arte magistro iure probatur.* E. ex intimis medicinae penetralibus petita est *pathologiae dynamicae* veritas, quidquid ogganiant in illa hospites. Ipsum *naturae certamen*, ut porro eiusdem AUCTORIS verbis rem eloquar, *ideam aduersarii includit. Ipsa*, cum eo inquam, *medicina virium directrix scientia est* (n. XXXXII.). Praeter solitas in statu sano regulas, adeoque morbose, aduersatur morboſis etiam aliis adfectionibus. Inde interpretor & alia, huc spectantia, alibi ab eodem Pathologo prolata, quae forte sinistre recipi possent a *medicinae dynamicae* aduersariis. Ea maxime indigito, quae l. c. §. 36-45. & 169-199. leguntur, inde repetenda, & ulterius expendenda, quum de *irritabilitatis* principio eadem, quae Ill. HALLERO, ipsi aliisque stare sententia non videatur.

XXXXIII.

Commemoratis (n. XXIII-XXXXIII.) *nosologicis* adiungenda sunt

AETIOLOGICA.

XXXXV.

Huc ex parte trahenda sunt supra iam alio scopo adlata (n. XXIII, XXV, XXXXII.)

XXXXVI.

Morborum causas omnes quis mortalium cognouerit? Multae omnino nos latent, vnde *latentes* s. *occultae* vocantur. Has ignorare, turpe non est, & opprobrio vacat. Eas vero a nobis nesciri, scire expedit, & suo loco & limite magni refert, ne in iis, ad quae nulla peruenire potest curiositas quaerendo, frustra nobis figamus crucem, aut nubem pro Iunone amplectamur. Eius enim farinae inanes speculationes gloriosis istis OCCULTARUM QUALITATUM AUCTORIBUS gloriosae fane non sunt, quin immo, quod maximum est, in certissima miserorum aegrotorum cedunt damna. Adeo
necessa-

necessarium est obseruatu illud in *aetiologia physico-medica* discrimen, quo *phaenomenorum causae* discedunt in *cognoscibiles*, & *non cognoscibiles* s. *occultas*. Illae nobis cognoscendae sunt, etiam si cognitu erutuque saepe difficiles, immo difficillimae sint. Vnde non minus utilis est earum *subdiuisio*, ex qua sunt vel ἐν δυσόπτῳ κείμεναι, vel ἐν εὐδήλῳ, vt cum HIPPOCRATE *de leg.* loquamur. Hae dicuntur *manifestae*: illae *abstrusae*. Quae posteriores itaque ab *occultis* quam maxime discrepant, vtpote nostrae industriae commissae, tantoque magis commendandae, quam *manifestae*. Φανεράς αἰτίας ὀνομάζει προφάσεις ὁ ΙΠΠΟΚΡΑΤΗΣ. *Manifestas causas* HIPPOCRATES *prophases* adpellat. GALENUS comm. 4. in HIPPOCRATE *de vict. acut.*

XXXXVII.

Causarum vero indago quam sit necessaria, neminem fugit. Etenim ἀδύνατόν ἐστιν εὐρεῖν τὴν θεραπείαν τὴν αἰτίαν μὴ διεγνωκότας, *fi* *nequit*, vt *therapiam* s. *medendi methodum* inueniant illi, qui *causas* haud cognouerunt.

XXXXVIII.

At sciendae morborum *causae* non in *materiebus* tantum, sed & in *viribus* sunt quaerendae. Τὰς αἰτίας ἢ ἐν τῷ ΠΝΕΥΜΑΤΙ θετέον, ἢ ἐν τοῖς ὑγροῖς, ἢ ἐν τοῖς στερεοῖς. *Causae* vel in *Spiritu* ponendae sunt, vel in *fluidis*, vel in *solidis*. GALENUS *Meth. med. Lib. XIII.* Ecce manifestum de *dynamice aetiological* testimonium GALENICUM!

XXXXVIII.

Defectus *virium* a variis inducitur *causis*, vt ab exinanitione, vnde nominatur ΑΔΥΝΑΜΙΑ ἐκ κενεαγγείας, & sine praeuia inanitione, quae vocatur παρὰ λόγον κενεαγγικὸν ΑΔΥΝΑΜΙΑ. (n. XXIII.)

L.

Ita ab humorum iactura virium iacturas exortas adnotauit RIEDLINUS in *lin. med.* a salinae iactura. ad 6. *Iul. Obs.* 30. p. 841. ab haemorrhagia. ad 6. *Apr. Obs.* 10. p. 394.

LI.

Vires frangunt *visciditates* & *senium* (n. XXV.).

B 3

LII.

LII.

Vincuntur, quin saepe plane extinguuntur vires aliis in morbis multiplicibus (n. XXVIII, XXX.) maxime malignis & pestilentibus. Hinc GALENUS in lib. de euchym. & caco-chym. inter pestis symptomata praecipue habet ΑΔΥΝΑΜΙΑΝ, virium defectionem.

LIII.

Vires morbose adfectae ut suas agnoscunt causas morbificas, easque vel iterum morbosas, vel simpliciter morbificas: ita vicissim causae fiunt vel morborum, vel sanitatis.

LIIII.

Traditis itaque (n. XXXXV-LIII.) fragmentis pathologico-aetiologicis addenda nunc sunt

SYMPTOMATOLOGICA.

LV.

Talia ex parte etiam supra iam sunt prolata (n. XX. XXI. XXXV. XXXVII. XXXVIII. XXXXII.), adeoque heic non plane excludenda.

LVI.

Ἀναμάχεται ἡ ΔΥΝΑΜΙΣ, καὶ διαγωνίζεται πρὸς τὰ λυπεύοντα, μέχρι περ ἂν ἐκμοχλεύσῃ τε καὶ διώσῃται πάντα. Conflietatur vis & colluctatur contra ea, quae adfligunt, donec arietando commouerit & diffregerit omnia. GALENUS de caus. sympt.

L. V.

LVII.

Πειράται ἡ ΦΥΣΙΣ ἐαυταῖς χρωμένη ΔΥΝΑΜΕΣΙΝ, ὁμοῖον μὲν τοῖς τρεφομένοις, ὅσον ἂν ἐγχαρῇ γενέσθαι χρηστὸν, ἐκκρίνειν δὲ τὸ μὴ τοῖστον. Ἦν δὲ ποτε διὰ πάχος, ἢ πλῆθος, ἢ γλιχρότητα τῶ περιττώματι, ἢ τινὰ σέγνωσιν τῶν ὀδῶν, ἀδυνατήσει πᾶν ἐκκρίναι τὸ μοχθηρὸν, ἀναγκαῖον αὐτῷ χρονίζοντι κατὰ τὸ τῷ ζῶσι σῶμα διαφθεῖρασθαι. Tentat natura semper, propriis usa viribus, adaequare quidem nutriendis, quidquid adhuc infuerit optimi, eicere autem, quod tale non fuerit. Sin autem propter crassitiem, aut copiam, aut tenacitatem excrementicii, aut angustiam viarum, haud poterit omne eicere turbidum, necessarium est, hoc moram neclente in animali corpore, corruptelam fieri. GALENUS de diff. febr. L. 2.

LVIII.

Διαγωνιζομένη ΦΥΣΙΣ τοῖς νοσεροῖς αἰτίοις. Colluctatur natura

natura *causis morbificis*. GALENUS *de cris. V.* Quae ipsa eius
lucta sane non potest non esse morbosa eluctandi contentio,

LVIII.

De *virium*, nunc directione, nunc excessu, nunc defectu,
peccantium *effectibus* quam plurima exstant *medicinae dyna-*
micae monumenta symptomatologica, heic non enumeran-
da. Sequuntur ergo quaedam, prioribus subiungenda,

SEMIOLOGICA.

LX.

Horum aliqua erunt, quae *diagnosin*, aliqua, quae *pro-*
gnosin respiciunt. *Διάγνωσις* est τῶν ἐνεσῶτων γνῶσις. GALEN.
comm. 1. in progn. Πρόγνωσις τῶν μελλόντων. ID. *introd. in Med.*
Vtraque esse debet ἐπιστημονικὴ, τεχνικὸς σοχασμὸς, *scientifica*
dignotio, artificialis coniectura. ID. *de loc. adf. 2.*

LXI.

Et talis quidem morborum dignotio praesertim neces-
saria est ad *therapiam*. Ἡ διάγνωσις τῶν παθῶν ἀναγκαία
πρὸς τὴν θεραπείαν ἐστίν. GALENUS *comm. 1. in lib. HIPPOCR. de*
diact. san.

LXII.

Horum loco haberi possunt alio respectu supra iam
exhibita.

LXIII.

Ipsa nempe *virium inconstantia*, & in ruinam subiectorum
suorum sponte ruens vicissitudo, summaque mutabilitas cer-
to ostendit, si non totius animalis, adeoque & hominis, at
corporis tamen animalis & humani *mortem* esse *necessariam*,
adeoque a possibilitate *immortalitatis* alicuius corporis anima-
lis ad consequendam in hac vita *immortalitatem* concludi non
posse, quidquid etiam de suis ad vitam morte carentem, in-
que secula ituram, quin in aeternum propagandam factis
commendatisque PANACEIS, PULVERIBUS, ESSENTIIS, *cet. VI-*
TALIBUS sponponderint HYPERPHYSICI (n. XVII.).

LXIII.

Actionum & motuum qualitates aequae, ac *quantitates* de-
signant (n. XX, XXI.) & exacte quidem designant *virium qua-*
litatem & quantitatem (n. XIII-XV.).

LXV.

Motus morbofi indicant *virium luctam* (n. LVIII.): ordi-
nati

nati ut plurimum satis *ordinatam* (n. XXXVIII.), *inordinati inordinatam* (n. LVIII.) & utrimque quidem in *qualitate* & *quantitate* (n. III, VIII, VIII.).

LXVI.

Huc spectant sequentia GALENI effata : Ἡ ΔΥΝΑΜΙΣ οἷον μάχην τινὰ ἔχει ἰσοδυνῆ. *Vis vitae veluti luctam habet, incerto Marte susceptam.* Comm. 2. in progn. HIPPOCR. Tum vero *difficilis est prognosis.*

LXVII

Εὰν ἐπὶ πλείονα χρόνον ἀπεπτον διαμείνη τὸ νόσημα, κίνδυνος, ἀπολέσθαι τὸν ἄνθρωπον, εἰ μὴ ἄρα τὴν ἀντέχουσαν τῷ νοσήματι ΔΥΝΑΜΙΝ ἰχυροτάτην ἔχει. *Si longiori tempore crudus manserit morbus, periculum est, ne pereat homo, nisi resistentem morbo vim fortioorem habeat.* L. c.

LXVIII.

Concinit AETIUS *Tetrab. I. Tract. IV.* Πρῶτον καὶ μέγιστον ἐστὶ σημεῖον τῷ χωρὶς κρίσεως τεθνήξεσθαι ἢ ἀρρώστια ἐχᾶτη τῆς ΔΥΝΑΜΕΩΣ. Οὐ γὰρ ἐπεγείρεται πρὸς διαμάχισιν. *Primum & maximum signum aegri sine crisi morituri est summa roboris infirmitas. Neque enim insurgit ad luctam.*

LXVIII.

Virium causae morbos indicant *praesentes*, praefagiunt *imminentes*, nunc *manifestae*, nunc *abstrusae* (n. XXXXVI.) dictae (n. XXXXVIII-LII.).

LXX.

Certissima eorum signa *diagnostica* atque *prognostica* sunt ab illis producti motus mutationesque (n. XIII-XV.), adeoque, quae superiora (n. XX, XXI, XXXIII, XXXVII, XXXVIII, LVI, LVII.) innuunt, & praeter haec reliqua omnia.

LXXI.

Virium lapsus grauior mala denuntiat cuiusvis ominis *maligna* (n. LII.),

LXXII.

Pestilentiam (n. cit.) , immo ipsam adeo *mortem* (n. XXVIII, LXVII.).

LXXIII.

Praeternaturalium virium causae, quae in *fluidis* nidulantur,

tur , morbos plus obsequii habituros & mobiliores praedi-
cunt. Νοσήματα ἑυλύτα καὶ ἐυκίνητα, ὧν αἰτίαι ἐν τοῖς ὑγροῖς.
Morbi solutu faciliores & mobiliores, quorum causae in fluidis.
AUCTOR def. med. LXXIII.

Quae solida turbant vires, tenacius inhaerent. Ἐἰδ' ἰχυ-
ρῶς σφηνωθεῖεν, ὡς μοχλείας δεῖσθαι σφοδρότερης, ἐκτείνεσθαι
μὲν ἀνάγκη τοιούτους τὰς πυρετός. *Si valde incuneata fuerint,*
ut veſte indigeant maiori, neceſſum eſt, in longum extendi febres
iſtas. GALENUS Meth. med. Lib. VIII.

LXXV.

Ceterum adlatum effatum, a veſte deſumtum, adprime
reſpondet *medicinae dynamicæ.*

LXXVI.

Ἐν πάσῃ νόσῳ τὸ ΕΡΡΩΣΘΑΙ τὴν ΔΙΑΝΟΙΑΝ, καὶ ἔυ-
ἔχειν πρὸς τὰς προſφορὰς, ἀγαθὸν, τὸ δὲ ἐναντίον κακόν.
In omni morbo mente valere, & bene ſe habere ad ea, quæ offe-
runtur, bonum eſt, contrarium vero malum. HIPPOCRATES Aphor.
II, 33.

LXXVII.

ΕΡΡΩΣΘΑΙ τε τὴν ΔΙΑΝΟΙΑΝ, καὶ ἔυ ἔχειν πρὸς τὰς προſ-
φορὰς ἀγαθόν, ἀγαθόν τε καὶ ἢ ἑυπνοία, καὶ ἢ εὐσφυξία, καὶ
ἢ εὐφορία, καὶ τὸ τοῖς ὑγιαίνουσιν ὁμοιότατον πρόσωπον, εὐχύ-
μων τε κατὰ κλισίς· κακὰ δὲ τῆναντία τέττα, τέτ' ἔσι, δυσφο-
ρία, κακοσφυξία, δύσπνοια, καὶ μάλισ' ἢ ψυχρὸν τὸ πνεύματος
ἐκπνεομένης γινομένη. *Valere quoad intellectum, & poſt medica-*
mentorū oblationem bene ſe habere, bonum, bonum etiam libera
reſpiratio, pulſus rectitudo, & in melius conuerſio, & ſanis ſimi-
lis vultus, & bene digeſtae deiectiones. Mala autem contraria his,
id eſt, in peius conuerſio, pulſus prauitas, difficilis reſpiratio, ma-
xime ea, quæ frigido ſpiritu efflato contingit. GALENUS de criſ.
Lib. I.

LXXVIII.

Mirum cui forte videri poſſet, etiam *anatomen* in *dyna-*
mice ſemiotica ſuum præſtare uſum. Verum id iam GALE-
NUS perſpexit *Therap. ad Glauc. L. 2.* vbi ipſi obueraſabatur
ἡ ἐμπειρία τῆς ΦΥΣΕΩΣ τῶν μοριῶν, ἣν ἐξ ἀνατομῆς τε αἶμα
καὶ ἀκριβὲς ἐπιτήρησις ἐνεργειῶν τε καὶ χρειῶν ποριζόμεθα, *cogni-*
tio naturarum unius cuiuſque partis, quam ex anatome & acri-
ori actionum corporearum ac utilitatum ſtudio adquirimus.

LXXVIII.

Quo pacto *languidas vires* ab *oppressis* dignoscere liceat, exponit IOH. FERNELIUS *Therap. vniuers. L. II. Cap. Vllll. p. m. 351.*

LXXX.

Plenissimam lucem adfundit notitia exacta status gradusque naturalis singularum actionum (ab agentibus, agentiumque viribus aequae, ac materiei morboſis adfectionibus certe quam maxime distinctarum) *tum modi, quo quaelibet exercetur, & conditionum ac virium, quibus instructum in suis partibus corpus ad eas perficiendas concurrit.* Ita nimirum, comparando actionem quamque integram una cum suis requisitis ad eandem in aegro vitiatam, innotescere potest, quisnam & quantus sit recessus a ſanitate. Constat hinc, *PHYSIOLOGIAM maximae huius utilitatis esse,* cet. *Cel. GAUBIUS l. c. §. 46. seq. Conf. §. 179, 633 - 649.* Quibus etiam argute demonstratur *Medicinae psychologicae* veritas atque necessitas.

LXXXI.

ROLFINCIUS *med. conf. Lib. II. Conf. XXI. p. 303. Vi-* res, inquit, *sunt omnium indicationum tyranni.*

LXXXII.

Et BOHNIUS *de off. Med. dupl. P. I. C. X. p. m. 222. Conseruanda,* inquit, *& indicationi subiecta vires sunt.*

LXXXIII.

Vires semper conseruatorie indicant. IDEM *l. c. p. 239.*

LXXXIIII.

Sed & virium signa non perpetua sunt. IDEM *ibid. C. XIII. p. 257.*

LXXXV.

Sequuntur

FRAGMENTA MEDICINAE DYNAMICAE,

ad

MATERIAM MEDICAM

ſpectantia.

LXXXVI.

GRAECOS ipsos iam ante oculos vbique habuisse *medicinam dynamicam* non in *pathologia* tantum, ſed in ipsa etiam *materia medica*, oppido inde patet, quod ipsa media medi-

ca dixerunt ΔΥNAMEΙΣ. Ita oculorum medicamenta vocabantur ΔΥNAMEΙΣ ΟΦΘΑΛΜΙΚΑΙ. Prostabant olim composita quoque medicamenta, quae ΔΥNAMEΙΣ dicebantur, ut τετραφάρμακος δύναμις, constans ex 4. medicamentis. GALENUS L. 6. meth. CORNARIUS in Lib. I. de comp. med. sec. loc. ΔΥΝΑΜΙΣ ἀδιάπτωτος, ἀμετάπτωτος ἢ ἀπαραβίβωτος, certa compositio & comprobatae facultatis. Ibid.

LXXXVII.

Re etiam vera virium scientia maximam partem est *materia medica*. Quemadmodum Nympha illa marina, Nerei & Doridis filia, Dynamene dicebatur, quod in mari plurimum polleret: ita *materia medica* Medicorum veluti *Dynamene* haud incongrue salutare potest, quod eorum, quae in medicina plurimum valent, sit scientia, quod Medicus illa instructus dynasta sit, qui sola hac armatura virium motuumque & materiei morbos, tamquam vitae sanitatisque hostes, debellandi potestatem habeat.

LXXXVIII.

Hinc adeo sua de *materia medica* scripta de *medicamentorum viribus* s. virtutibus inscribunt. Spectant huc AEMILIUS MACER de *virtutibus herbarum*, de quo copiose exponit V. C. BOERNERUS Noct. Guelph. p. 120-134. A. E. BYCHNERI diff. de *viribus vitri antimonii cerati*, ad rationes suas reuocati. 1751. EJUSD. diff. de *tartaro vitriolato volatili*, eiusque *viribus medicis*. 1757. EJUSD. *modus agendi virtutis resoluentis mercurii viui in C. H.* 1748. EJUSD. de *genuinis viribus tabaci*. 1746. BLASKE de *virtute venenorum medicata*. Vienn. 1757. 10. HENR. SCHULZ diff. de *vera indole & egregia virtute radice iridis Florentinae*. Hal. 1739.

LXXXVIII.

H. BOERHAAVIUS integrum suum de *materia medica* tractatum inscribit: de *viribus medicamentorum*, in quo egregia *medicinae dynamicae* menumenta memoriae prodidit.

LXXX.

IDEM in proleg. elem. chym. T. II. p. 5. ed. Lond. ita differt. Addamus, quod Chymia, etiam sollicitissima, vix queat retinere dotes simplicium herbarum illibatas; semper quippe

misceat prius separata in plantis; semper a prisca, leuissime mutabili, indole immutet, nouisque, non modo formis, sed & dotibus, imbuat. Longe igitur abest, ut Chymistae operationibus suis separare queant semper praestantes vires, quas natura proprias alicui plantae impertit: quum easdem suis artificiis saepe numero, immo plerumque, valde immutent, quin & in contrarias prorsus conuertant.

LXXXXXI.

Nec BOERHAAVIANIS inferioris notae sunt BOHNIANA Iatrodynamices documenta. Quod huius loci est, P. I. L. X. p. m. 208. ita se habet: Neque tandem, quae ab analysi chymica horum illorumue concretorum medicamentosorum, eorumue textura petuntur rationes, in determinando morbi remedio, huiusque agendi modo, adaequate exhauriendo semper quadrant. quum per illas hypotheses nec per experientiam iam dum observatae eorum facultates semper commode satis explicari queant.

LXXXXXII.

G. W. WEDELIUS in *Comp. chym. theor. & pract. meth. analyt. propos.* singulis medicamentorum descriptionibus peculiarem de eorum viribus subiicit articulum.

LXXXXXIII.

Medicamentorum vires dirigere aegroti vires, & ab hisce illas vicissim dirigi, pulchre docet E. A. NICOLAI in *system. mat. med. ad prax. adplic.* P. I. §. VI. XII.

LXXXXXIII.

Haecenus *theoretica*. Nec desunt *practica medicinae dynamicae* documenta. Subnectimus hinc adhuc quaedam

FRAGMENTA MEDICINAE DYNAMICAE

THERAPEUTICA.

LXXXXV.

Μελέται μελετέων μέγα διαφέρουσι, κὴ φύσις Φυσίων, τῶν σωμάτων εἰς εὐφορίην. *Curationes a curationibus, & naturae a naturis discrepant valde, ut corporibus bene sit.* GALENUS comment. in lib. HIPPOCR. de fract.

LXXXXVI.

Οportet igitur curam exquisitè fieri. Χρὴ τὴν μελέτην ἀτρεκέως ποιεῖσθαι. HIPPOCRATES L. I. de morb. mul. Προσέχειν τῇ μελέτῃ. *Animaduertendum est in cura.* Ib. Curare enim

idem

idem est, ac sanare. Μελεδαίνειν, θεραπεύειν. Inde μελεδαίνη, cura, ἐπιμέλεια GALENO in exeg. Φροντίς, sollicitudo HESYCHIO. Quoniam mederi res ardua est, prouide & nil cunctando expedienda. Χρὴ τὴν μελέτην προσέχειν ἐν τάχει. *Curationem statim adhiberi oportet.* HIPPOCRATES.

LXXXVII.

A naturae consiliis ac virium prudenti moderamine Medicus a Medicorum Patre naturae minister adpellatur. ΙΠΠΟΚΡΑΤΗΣ τὸν ἰατρὸν ΥΠΗΡΕΤΗΝ ὀνομάζει ΤΗΣ ΦΥΣΕΩΣ, τὸν ὄντως ἰατρὸν, ὃ Φαρμακοπώλην τινὰ ἐκ τριόδου. HIPPOCRATES *Medicum ministrum adpellat* naturae, illum, qui vere Medicus est, non triuialem pharmacopolam. GALENUS περὶ κρίσιμων ἡμερῶν. α.

LXXXVIII.

Dantur igitur *Medici*, qui sunt *pharmacopæi*, sed non ἐκ τριόδου, & *pharmacorum confectores*, qui hoc quoque nomine sunt vere *Medici*.

LXXXVIII.

At *Medicus* tamen non semper *minister* est, sed & saepe *magister*, & haud raro neque *magister*, sed otiosus spectator, *Medicus per expectationem*, non autem ubique HARVAEANAM. C.

Ei quoque, praeter bonam mentem & eruditionem casus fauet. Iuuant eum ΦΥΣΙΣ, καὶ τέχνη, καὶ τύχη, natura, & ars, & fortuna. GALEN. meth. med. L. 2.

CI.

At vero neque fortunae & naturae nimium fidat, oportet. Σωφροσύνης γὰρ Φίλος, ὥσπερ γε καὶ ἀληθείας ἐταῖρος ὃ γ' ἀληθὴς Ἰατρός ἐξεύρεται, καὶ μὲν δεῖ καὶ ΛΟΓΙΚΗΝ ΜΕΘΟΔΟΝ ἀσκεῖν, χάριν τῇ γνῶναι, πόσα τὰ πάντα κατ' εἶδη τε καὶ γένη νοσήματα ὑπάρχει, καὶ πῶς ἐφ' ἑκάστῃ ληπτέον ἐνδείξιν τινὰ ἰαμάτων. *Prudentiae amicus*, uti & *veritatis socius*, ille demum *genuinus Medicus* inuenietur. *Et quidem oportet illum cogitandi artem* (methodum logicam s. rationalem) *exercere, ut cognoscat, quales sint omnes secundum species & genera morbi, & quomodo ad unum quemque capienda sit indicatio curationum.* GALENUS de opt. Med. philos.

CII.

Medicus, qua *pharmaceutices* *antistes*, *pharmacorum* vires ex naturae legibus aestimat, neque illa, nisi ad huius praescripta, admittit usquam, & eatenus quoque naturae, vel *ministerium*, vel *magistrum*, vel *spectatorem*, & *interpretem* agere tenetur (n. LXXXVIII.). *Pharmaca* sunt vel *naturalia*, vel *arte facta*, & utraque vel *simpliciora*, vel *composita*. *Compositorum* vires ex earum compositione aestimantur, de qua conferri meretur egregia *Cel. IOH. GESNERI* *diff. de effectibus, qui a virium compositione producuntur*. Tiguri 1747. habita. At vii natura antecellit artem, ita de compositorum, quam de simplicium viribus iudicium semper est difficilius. Hinc prudentiores etiam naturae interpretes Medici priora posterioribus raro, aut numquam, postponunt.

CIII.

Scitum, quod praeterire heic nequeo, hac de re testimonium est *V. C. IOH. LINDESTOLPI* *lib. de venenis C. I. p. m. 25*, ubi ita: Postquam chymia suum efferre coepit caput, nil fere admittitur, nisi quod igneum, & eius arte confectum, ac cum plurimis aliis permixtum fuerit, quum tamen simplices atque ab ipsa natura elaboratae medicinae plus longe profint, & tutius adsumantur. Accedit porro & hoc exinde incommodi, quod maxima laboremus inopia medicamentorum vere comprobatorum, prorsus, ut eam medicinae partem, quae de medicinis authenticis & positiuis tractet, inter desiderata adhuc, magna forte Medicorum cum contumelia, cum *Illustrissimo Angliae Cancellario VERULAMIO* numeremus, de *Augment. Scient. Lib. III. Cap. XI. Is quoque Hist. vit. & mort. in Addit. dicit*: Laudes immodicae medicinarum chymicarum primo inflant hominum spes, deinde destituunt. Atque hoc quidem vere.

CIII.

Dynamicen therapeutica in virium directione praecipue sitam esse, adeo evidens est, ut *GAUBIUS* (n. XXXII.) aliique ab ea prope sola totam definierint medicinam.

CV.

De viribus, earumque regimine & conservatione Therapeutae integra habent capita, vti *Illustris LUDWIGIUS* *Instit. therap. P. II. C. I. & II.*

CVI.

Sed naturae cognitio ex observatione & meditatione, non ex lectione Auctorum haurienda est. *WERLOSNIGIUS* de curationibus verno-auctumnalibus. P. 168.

CVII.

Vires ut vel non perdantur, vel perditae restaurentur, Medico quam maxime curandum est. *IOH. BOHNIUS* de off. Med. dupl. P. I. C. X. p. m. 222, 238.

CVIII.

In illis quoque pathematis, quae vel quod lateant, vel in se, incurabilia sunt, solis viribus prospicere iuvat, donec forsitan natura morbum superet, aut ne adeo subito vincatur haec. *IDEM* l. c. Cap. XII, p. m. 251. ubi, quomodo propiciendum sit viribus, copiose expenditur.

CVIII.

Ea lege temperanda sunt omnia, ut morbi substantia tollatur, viribus, quam fieri potest, minimum oblaesis. His quidem tantisper negotium facessere, dum ma-

lum profligetur, & in maioris corporis modi spem adducamur, periti in primis est artificis HIPPOCRATES, ad prospicienda pericula sagacissimus, consuluit tenuem victum aegrotis adhibere, haud veritus illorum vires, licet infirmas, victus tenuitate debilitare, ut hac simul morbi essentiam comminueret. JOH. FERNELIUS Therap. vniuers. L. II. C. X. p. m. 352. sq. Plura ibidem lectu digniora videre licet.

CX.

Si obscurior morbi species non dum tibi penitus cognita perspectaque est, huic ne properes remedia adhibere, sed rem totam naturae committito. Natura enim, proba ratione viuendi adiuta & innixa, aut morbum profligabit, aut patefaciet & foras proferet. Inerta quippe medicatio & irrita non nisi dispendio decernitur. Si quid forte experiri cogeris, leue id esto, ne fiat in re ancipiti iactura grauis. IDEM l. c. L. I. C. III. p. 331.

EPILOGUS.

Sunt & in Medicorum foro, quibus vis & natura est anima mundi, & haec ipsa diuinitas. Sententiam hanc perquam facunde fuseque enarrauit modo excitatus FERNELIUS de abd. rer. caus. Lib. I. Cap. X. p. m. 582. Verba haec sunt: Trias circa regem omnium PLATO statuit coaeterna, bonum, mentem, & mundi animam. BONUM adpellat rerum omnium parem & auctorem DEUM, qui simplex & immobilis, supra omnem omnium naturam & intelligentiam in Parmenide constituitur, estque in omnia exuberans bonitas. A patre bonoque MENS procedit, ut ab ingenita soli luce lumen splendidum, quae MENS intelligentia est diuina, & optimus boni filius. A mente rursum ANIMA MUNDI defluit, uti splendor a lumine, quae per omnia spirat, omnia in vita continet. Circa primum, qui PATER est OMNIUM, simplex est & indiuidua bonitatis idea. Ab hac . . . innumerabiles defluunt idearum differentiae Haec rerum omnium ideas diuina mens excipit, ut sint secunda illa circa secundum Ab iis vero dimanant idearum rationes, ANIMAE MUNDI immissae, a rationibus rationum semina in coelos & sidera sparguntur. Omnia, quae in mundo sunt mortalia, a sua quaeque IDEA & exemplari, quae MENS illa diuina vniuersa complectitur, sustententur. Haec DEI vita, haec illius actio, rem ad motiones, pro sua quamque natura, ciere, vitamque omnibus inspirare.

Hoc sibi vult illud VIRGILII Aeneid. VI.

Principio coelum ac terras, camposque liquentes,

Lucentemque globum lunae, Titaniaque astra,

Spiritus intus alit: totamque infusa per artus

Mens agitat molem, & magno se corpore miscet.

Hoc sensu TULLIUS in Tusc. dicit: omnia vno diuino & continuato spiritu contineri. Haec PLATONIS, haec PLOTINI, haec eadem aliorum PLATONICORUM sententia. An in ista diuinae alicuius scintillae vestigia? Num in his aliquid latet de sublimiori illo effato. Act. XVI. 28. Εν αὐτῷ ζῶμεν, καὶ κινῶμεθα, καὶ ἐσμεν. In ipso viuimus, mouemur & sumus.

Et quantum hoc viuere distat ab illo? Si cine, quaeso, vacillat caditue medicinae dynamicæ veritas? Num sine piaculo amplius dici potest, viuencia & viuere

viuentium vires praeter naturae suae regulam, adeoque *morbose*, adfici posse? Nonne, si, quod mouet, solus DEUS, & praeter DEUM nulla vis esset, id dicere, & medicinam dynamicam moliri, blasphemum foret & impium. Ecqua igitur tandem verae *dynamices*, nominatim *medicae*, stabiliora fundamenta? Haec mente reputans, ad altiora deuoluor, DIVINAM gloriam, quae Rom. I. 20. ΑΙΔΙΟΣ ΔΥΝΑΜΙΣ vocatur, ita venerari iussus;

ΣΟΥ ΕΣΤΙΝ Η ΔΥΝΑΜΙΣ.

Matth. VI, 13.

NOBILISSIMO AC DOCTISSIMO
DN. CANDIDATO

S. P. D.

P R A E S E S.

Finito studiorum TUORUM academicorum curriculo, a nobis ad Patris TUI experientissimi castra transisti, inque his, Illo duce, clinicis TUIS exercitiis non tantum Kirchemiensium, sed Exierorum quoque, quos Ipsius fama adlexit, gratiam TIBI conciliasti. Inde ad nos redux in eo iam es, ut, exantlatis consuetis inter nos examini-bus, impetrataque ab Illustri CANCELLARIO nostro cathedram inauguralem conscendendi venia, praesentia haec medicinae dynamicæ fragmenta Hippocratico-Galenica defendas, eoque ipso summos in Medicina honores TIBI expugnes. Impetratis hisce, ea denuo eris felicitate, ut, dexterrimo duce Patre TUO clinica exercitia continuare, & in dies perficere queas. Gratulor TIBI hanc opportunitatem, non omnibus concessam. Gratulor & venerando Parenti TUO hanc & TUAM & SUAM felicitatem. Gratulor VTRIQUE socia hæc opera. Gratulor denique hæc aegris VESTRIS, quos VOBISCUM & per VOS SUPREMUS SALUTIS NOSTRAE ANTISTES saluos esse iubeat atque sospites.

Dab. e Museo Cal. Novemb.

clōlcccLVIII.